

МИНИСТЕРСТВО ПРОСВЕЩЕНИЯ РОССИЙСКОЙ ФЕДЕРАЦИИ  
Министерства образования и науки Республики Дагестан  
**МКУ "УПРАВЛЕНИЕ ОБРАЗОВАНИЯ" МУНИЦИПАЛЬНОГО  
ОБРАЗОВАНИЯ  
"ХАСАВЮРТОВСКИЙ РАЙОН"  
МКОУ 'Тенжеаульская СОШ им.М.М.Зумаева"**

РАССМОТРЕНО

На заседании ШМО



Темиртдинова С.А.

Протокол №1 от «27» 08  
2024 г.

СОГЛАСОВАНО

Зам директора по УВР



Шихмурзаева Г.К.

Протокол № 1 от «27» 08 2024  
г.

УТВЕРЖДЕНО

Директор



Махтиев А.С.

Приказ № 652  
от «30» 08 2024 г.

**РАБОЧАЯ ПРОГРАММА**

учебного предмета «Родного (кумыкского) языка»  
для обучающихся 5 класса

## БАЯНЛЫҚ СЁЗ

### Программаны умуми сыпатлав

Аслу школалар учун яратылған ана тилден программа Федерал пачалықъ билим берив стандартны аслу умуми билим берив ва мисал гысапда онгарылған аслу билим берив программаны талапларына күрчүленип тизилген. Шо стандартларда муаллимлени ишинде янғы педагогика къайдаланы къоллав масъалалары, охувчуланы хас айрылықълары, оланы чагъы, билим ва оьсов даражалары, гъалиги жамият яшавуну талаплары, милли школаланы ишини бай сынавлары ва илму-ахтарыв ишлер гёз алға тутулған.

Янғы программа бизин миллетибизни маданиятын, ана тилин теренден уйренивге, оланы сакълавгъа ва оьсдюрювге, ана тилде аслу умуми билим алывда янғы имканлықълар болдурувгъа, тилибизде халкъыбызынчи милли хасиятларын сакълавгъа бакъдырылған. Шолайлышында, билим берив программа гъар охувчуну билим даражаларын артдырывгъа эркин ёл ача, ону класда яда уйде оъзбашына чалышагъанда интернет булан пайдаланмагъа, билимин ва тарбиясын артдырмагъа генг имканлықълар бере.

Къумукъ тил – къумукъ халкъны тили. Ана тил милдетни күрчюсю бола: ана тил болмаса, милlet де болмай. Халкъны тарихи, маданияты, адаткъылышыкълары ана тил булан тыгъыс байлавлукъда. Мактапларда ана тиллени абурун гётермек учун кёп чараптар гёрюле. Къумукъ тилде юрюлеген дарслар жамият къуллугъун күте: олар миллетибизни менлигин сакълай, ана тилде гъакълашыв, къатнашыв чарапланы күтегендөн къайры да, халкъны маданият байлыгъын артдыра, пикир этив мердешлерин камиллешдире.

**Умуми школада 5 класда «Къумукъ тил» предметни уйренивде шулай муратлар салына:**

- ана тилни къумукъ халкъны тарихи ва маданияты булангъы тыгъыс байлавлугъун гёрсетип, ону къумукъ халкъны милли маданиятын йимик къабул этип, тил миллетни менлигин сакълайгъан къуралланы бириси экенни англатыв;
- охувгъа, билим алывгъа охувчуланы гъаваслыгъын, иштагълыгъын түвдүрүв, оланы охув мердешлерин оьсдюрюв; ана тилге асырап янашма уйретив, ону эстетика, къылышыкъ якъдан адамны оьсювюне этеген таъсириин гёрсетив;
- гъар гюнлюк яшавунда ва охув гъаракатында къумукъ тилде уста күйде сёйлеме уйретив, сёйлев тилин байытыв, ону чеберлигин артдырыв, аслу умуми охув усталыкъланы ва гъаракатланы бойсындырыв;
- терен билим берив, къумукъ тилни къурулушун, ону аваз системасын, сёз байлыгъын, морфология, синтаксис, пунктуация ва тюзъязыв нормаларын уйретив, яшланы адабият тилни къайдаларына кюрчюленип сейлемеге ва язмагъа уйретив, оланы сёз хазнасын байытыв, тилни гъакъында бир-бир умуми илму англавлагъа уйретив.
- ана тилни уйренивге бакъдырылгъан яратывчулукъ иш бажарывларын камиллешдирив, охувчу яшларда наследдан наслугъа бериле гелген къумукъ халкъны асил хасиятларыны уылгюлерин болдурув. Шону кюрчюсүнде яш наслуша жамиятны алдында оъз борчларын күтме гъазирлик, таза къылышыкълы, оър инсан хасиятдагъы жамият ишлени яхышылашдырмакъ учун чалышывда талмайгъан, тюзлюкню, гертиликин къайратлы күйде якълама гъазир хасиятланы болдурмакъ, демек, патриотланы тарбияламакъ.

### **Умуми школада къумукъ тилни уйретивни борчлары:**

- охувчулагъа дюньяда адамланы ва жамият аралыкъларын гелишдиривде, халкъны тарихин, милли маданиятын, яшавун уйренивде тил күтеген къуллукъларын билдирив;

- фонетикадан, лексикадан, сёз яратывдан, морфологиядан, синтаксисден, стилистикадан, тюзъязывдан ва пунктуациядан программада белгиленген оыл- б чевдеги билимлени сёйлев ва языв тилде къоллама уйретив; шо күрчюде охувчуланы мекенли тюзъязыв ва пунктуация билимлерин ва англавларын болдурув;
- охувчуланы китап булан ишлемеге, билимлерин оъзбашына толумлашдырмагъя уйретив, тюрлю-тюрлю китаплардан, журналлардан, сёзлюклерден, газетлерден, Интернетден, илму мақъалалардан, адабият асарлардан, тестлерден пайдаланма уйретив;
- тилни чалынывуңу гёзеллигин, ону байлыгъын, сёз яратывдагъы имканлыкъларын, чеберлик янларын ва оъзге байлыкъларын гёрсетип, сёйлев ва языв тилни чеберлиги инсанны культурасыны хас айрылыкъларыны бириси экенин билдирив;
- къумукъ тилде язылгъан гёrmекли чебер асарланы тилине асасланып, тилибизни чеберлигин, ону гёзеллигин, сёзню чеберлик гючюн гёрсетип, ана тилни стил якъдан чеберлигине ес болмагъа болушлукъ этив
- тилни къурулушу булан, ону оъсюв къайдалары булан, стилистика ресурслары булан, аслу нормалары булан байлавлу маълуматлагъя ес этив; охувчуланы охув ва языв культурасын, тюрлю-тюрлю сёйлев гъаракатларын болдурув, сёйлев ва языв тилге хас нормаларын къоллама уйретив;
- къятнашыв чараланы яшавгъа чыгъармакъ учун диалог ва монолог къайдалар булан байлавлу тизив мердешлени болдурув, ана тилни уйренивге бакъдырылгъан яратывчулукъ иш бажарывларын камиллешдирив, охувчу яшларда наследдан наслугъа бериле гелген къумукъ халкъны асил хасиятларыны уългюлерин болдурув. Шону күрчюсүндө яш наследда жамиятны алдында оъз борчларын күтме гъазир, таза къылышыкълы, оър инсан хасиятдагъы, жамият ишлени яхшылашдырмакъ учун чалышывда талмайгъан, тюзлюкню,

гертиликтин къайратлы күйде якълама гъазир хасиятланы болдурмакъ, демек, патриотланы тарбияламакъ.

### **Охув предметни умуми сыпатлав**

Янгы стандартлар охувчуланы гъар класгъа гёре алынма герек билимлерин, бажарывлукъларын, тюрлю гъаракатларын: предметден алынағъан билимлер, дарсда берилген англавланы теренлигин, предметлени бири-бири булангъы байлавлугъун ва оъзуне хас натижаланы токъташдыра. Шо натижалар охувчуланы бажарывлукъларыны кёмеклиги булан оланы гъакълашыв, тил ва маданият булан байлавлу бажарывлукъларын артдыра.

Ана тил къумукъ халкъны милли маданиятында гёрмекли ер тутагъанны билдирив, ону охув-билим алывда, адамны яратывчулугъунда, къылышкъ-тарбия алыв ёлунда ойнайғъан къуллугъун аян этив. Охувчуну ана тилге бакъгъан якъдагъы сюювюн артдырыв, ону булан оъктем болма уйретив, милли маданият гъисапда ону тазалығъын якълав ва сёйлев пагымусун артдырыв. Сёйлейгенде, оъзюню ойларын айтагъанда герек чакъы сёз байлығъын болдурув ва тилни тюрлю-тюрлю грамматика къуралларын къоллап билив, сейлейгенде тилини чеберлигине тергев берип, оъзю оъзюню тилини чеберлик даражасына багъа берип болагъан бажарывланы тувдурғанда.

### **Тилге уйренивде охувчулар етишме герекли предметлик бажарывлукълар шулардыр**

- адабият тилни нормалары булан байлавлу башлапгъы англавлагъа ес болмакъ, лакъырлашывда тюз сейлевню ёругъун сакъламакъ;
- гечилген англавлагъа гёре орфографиядан, пунктуациядан алынағъан билимлени оъзлер къургъан яда берилген текстлерде тюз къоллап бажармакъ;

- оъзю язгъан яда бирев язгъан текстни тергеп, тюзлемек (текстни тергейгенде ана тил предметден алынгъан билимлерин тюз къолламакъ).

### **Тилчилик бажарывлукълар булан байлавлу гъасиллер:**

- тилни къурулушун, ону оъсювюн, нормаларын, охувчуланы сёз байлыгъын ва оланы сёйлевюн грамматика якъдан байытмакъ;
- программада гёрсетилген тил булан байлавлу аслу маълуматланы билмек ва оланы англатып бажармакъ
- тюрлю-тюрлю сёзлюклер, китаплар, газетлер булан пайдаланып болмакъ

Охувчуларда маданиятлыкъ бажарывлукълар (культурологические компетенции) болдурулсун учун оланы билим хазнасында шулай англавланы яратма тюше:

- ана тил къумукъ халкъны милли маданиятында гёрмекли ер тутагъанны билдириmek, ону охув-билим алывда, адамны яратывчулугъунда, къылыктарбия алыв ёлунда күтеген къуллугъун англамакъ;
- къумукъ тилни оъзюне хас болагъан белгилерин, сёйлевде къолланагъан къылыкъ нормаларын, янгыз къумукъ тилге хас болагъан сёzlени маъналарын токъташдырып билмек.

Программа гъакълашыв-гъаракатчылыкъ къайдада тизилген. Шо къайдагъа гёре берилген материал охувчуну билимин ва ону гъаракатчылыкъ ругъун теренлешдирмек булан байлавлу.

Курсну гъар бёлюмю эки блокдан тизилген: биринчи блокда тил булан байлавлу англавлар бериле, экинчисинде буса, шо тил булан байлавлу англавланы уйренегенде, не йимик охув гъаракатланы къоллама тюшегени гёрсетилген.

Ана тил курсну гъакълашыв-гъаракатчылыкъ къайдада юрютюв ва предметлени бир-бири булангъы байлавлугъун гёз алгъа тутуп иш

гёрюв охувчуланы тюзъязыв ва тюз сёйлев пагъуларын артдыражагъы белгили.

**Охуп-язып билегенни гёрсетеген аламатлар шулардыр:**

- а) гъакълашыв универсал охув гъаракатлары: авуз тилде яда языв тилде сёйлейгенде, оъзюню ойларын айтагъанда таман чакъы сёз байлыгъы болмакъ, ва тилни тюрлю-тюрлю грамматика къуралларын къоллап билмек;
- б) уйренив универсал гъаракатлары: масъаланы етдириنكли күйде са- 9 лып бажармакъ; охувчуланы логика ойлашывун оъсдюрювде кёмек этмек, оланы китап булан ишлемеге, билимлерин оъзбашына толумлашдырмагъа уйретмек; тил булан байлавлу тарыкъ информацияны табып, ону бир системагъа гелтирип билмек, охувда компьютер булан байлавлу янгы технологияланы къоллама уйренмек, аслу ва экинчи даражалы информацияны айрып билмек
- в) низамлашдырыв (регулятивные) универсал охув къайдалары:
  - гъаракатчылыкъ ишинде мурат тутуп билмек,
  - оъзю-оъзюн тергеп ва тюзлеп билмек
  - , - сейлейген къайдасына тергев берип оъзюне багъа берип бажармакъ.

Гъасили, школа үмуми культурасы булангъы, гележекде оъзюню охувун орта ва оър ожакъларда давам этип болагъан адамны гъазирлей.

Ана тилни мактап курсунда, охутувда алгъа салынагъан борчлагъа къыйышывлу этилип, фонетиканы, лексиканы, сёз яратывну, морфологияны, синтаксисни, тюзъязывны, пунктуацияны, стилистиканы бёлүклеринден тангланып алынгъан билимлер, шолай да жамиятны яшавунда бизин тилни күтеген къуллукълары, ону оъсювюню даражасы ва оъзге тюрлю маълуматлар берилген.

Школада ана тилни уйренивню курсуну материаллары класлагъа гёре шулай ерлешген: V, VI ва VII класларда фонетика, лексика, сёз яратыв, морфология ва тюзъязыв уйретиле. Синтаксисни тизимли курсу VIII ва IX класларда уйрениле. Тек синтаксисден ва пунктуациядан аслу англавлар, I—IV класларда уйренилген материалны такрарлагъан сонг, V класда да бериле. Шо гележекде морфологияны ва синтаксисни бир-бири булан байлавлукъда уйренивню гъакъындағы ағыамиятлы методика идеяны яшавгъа чыгъармагъа ва охувчулагъа синтаксисден, пунктуациядан ва сёйлевден берилеген англавларда синтаксисни курсун тизимли күйде охума башлагъынча хыйлы алда къурмагъа имканлықъ бере.

Йылны башында ва ахырында гечилген материалны такрарламакъ учун программада сагъатлар гёрсетиле, дарсланы юрютюнню мекенли шартларына къарап, муаллим шо сагъатланы къоллай. Муаллим V—IХ класлар учунгъу курсларда белгили янгы материал да къошулагъын билмеге герек. Шолай материалны уьстюнде ишлев экинчилей къайтып уйренмекни тюгюл, янгыз такрарлавну ва теренлещидиrivню талап эте.

Аслу школада «Къумукъ тил» курсну мурады охув гъаракатны предметлени бир-бириндөн алынағъан ва предметни оъзюндөн алынағъан муратларындан гъасили бола. Шо муратлагъа етишмеге охувчуланы бажарывлары булан байлавлу къарав кёмек эте. Шо къаравда юрюлеген дарслар охувчуланы гъакълашыв, тилчилик, маданиятчылықъ англавларын болдурға.

Гъакълашып бажарывлукъ гъакълашывну тюрлю-тюрлю къайдалары булан пайдаланып билмекни, охув ва языв тил культурасын камиллещидиrivню, охувчуну къатнашывгъа гъазирлигин, айтагъан ойларын ойлашып айтмакъыны, яшланы оымрюне, сынавуна, умуми школада гъар девюрге хас болагъан психология айрылыкъларына гёре тилни гъар тюрлю ситуацияларда къоллап билмекни талап эте.

Тилчилик бажарывлукълар тил күтеген ишаралыкъ ва жамият къуллукъларын англав, тилни къуруулушун, ону оьсювюн, нормаларын, охувчуланы сёз байлыгъын ва оланы сёйлевюн грамматика якъдан байытыв, охувчулагъа герек чакъы тил булан байлавлу аслу маълуматланы билив ва оланы англатып бажарыв, тюрлю-тюрлю сёзлюклер булан пайдаланыв билимлени кёмеклиги булан таъмин этиле.

**Охувчуларда культуралыкъ бажарывлар болдурулсун учун оланы билим хазнасында шулай англавланы яратма тюше:**

- а) къумукъ тилни къумукъ халкъны тарихи булангъы байлавну аян этив;
- б) ана тил къумукъ халкъны милли маданиятында гёрмекли ерни тутагъанны билдирив;
- в) ана тилни охув-билим алывда, адамны яратывчулукъ ишинде, къылышыкъ-тарбия алыв ёлунда күтеген къуллугъун билдирив;
- г) къумукъ тилни оъзюне хас болагъан белгилерин, сёйлевде къолланагъан къылышыкъ нормаларын, янгыз къумукъ тилге хас болагъан сёзлени маъналарын, къалиплерин гёрсетип бажарыв.

Программа гъалиги методикагъа хас болагъан тюшюнюв-гъакълашыв (сознательно-коммуникативный) ва чалышывчулукъ (деятельностный) къаравлагъа янашып тизилген.

Тюшюнюв-гъакълашыв къайдада 5 класда къумукъ тилге уйретивни аслу ёллары шулардыр.

Гъакълашыв къайда тилге уйретивни мурадын токъташдыра: охувчуну гъакълашыв бажарывларын болдура. Бу къайданы яшавгъа чыгъарыв охувчуланы сёйлев гъаракатында билим ва уйрениш мердешлерин тувдура. Гъакълашыв къайда охув процесс сёйлев гъаракатын теренлещидиривге бакъдырылма герекни, охув процессни нечакъы бола буса адатлангъан къумукъ тилде сёйлевге ювукълашдырмакъны талап эте. Къумукъ тил дарсларда юрюлеген

бары да ишлер шо талап булан байлавлу юрюлме тюше. Сёйлев тилге сёйлей туруп уйренмек – гъакълашыв къайданы хас айрылыгъы гъисапла

Тюшюнюв принципге гёре тил материалы яшланы охувъа уйретивде аслу охув материалы гъисаплана. Тил булан байлавлу аламатланы тюшюнюп англав къумукъ тилде эркин сёйлевню шартларындан бириси гъисаплана. Гъакълашыв ва тюшюнюв къайдалар биригип методика илмуда тюшюнювгъакълашыв къайданы яратгъан

Умуми охувда салынгъан масъалаланы натижа береген күйде чечилмекни аслу мурады – сёйлев ва языв тилни оър даражада къоллап билмек. Тилчилик кюрчюсөндө гъакълашыв ва маданият компетенцияларын болдурув – «Къумукъ тил» предметни аслу мурады бола. Гъакълашыв ва маданият компетенциялар тил оъсдюрюв дарсларда амалгъа геле, тилчилик компетенция буса тилни системасын уйренегендө яратыла.

Шу программа эки гесекден тизилген: «Тилни къурулушу» ва «Байлав тилни оъсдюрюв». Эки де бёлюк бир-бири булан тыгъыс күйде байлавлу, неге тюгюл байлавлу тилни оъсдюрюв тилни къурулушуна, ону нормаларына кюрчюленген. Шо саялыштырылған тилни грамматика формаларын, къайдаларын билмек булан бирче, оланы сёйлев тилде тюз къоллап бажармакъ, ону чеберлигин гёрсетеген имканлықъларын сёйлев тилде къоллап билмек, ана тилге аявлап, асырап къаравгъа уйренмек, оъзюню тил гъазирлигин, тил культурынын артдырывгъа гъаваслыгъын болдурмакъ бажарывланы чаralарын гёзалгъа тутма тюше.

## АНА ТИЛГЕ УЙРЕТИВНИ ИЧДЕЛИГИ

Эсге алайыкъ, уйренейик, тактарлайыкъ.

Сёзну тизими. Къошма сёзлер. Толу маъналы ва кёмекчи тил гесимлер. Атлыкъ. Сыпатлыкъ. Санавлукъ. Орунча. Ишлик. Гъаллыкъ. Байлавучлар ва тиркевючлер.

Тил ва дюнья.

Тил ва тил илму.

Языв тил ва сёйлев тил.

Синтаксис ва пунктуация.

Сёзтагъымлар. Жумла. Хабар, сорав, буйрукъ жумлалар. Чакъырыв жумлалар. Жумланы баш уьюрлери. Генглешген ва генглешмеген жумлалар. Жумланы экинчи даражалы уьюрлери. Толумлукъ. Белгилевюч. Гъал. Бир жынслы уьюрлери булангъы жумлалар. Къуршайгъан сёзлери булангъы бир жынслы жумлалар. Чакъырыв сёзлери булангъы жумлалар. Къошма жумланы гъакъында англав. Тувра сёз. Диалог.

Фонетика, графика ва тюзъязыв.

Сёйлейгенде авазланы тувулуву. Созукъ авазлар. Тутукъ авазлар. Къатты ва йымышакъ тутукълар. Алфавит. Е, Ё, Ю, Я гъарпланы къолланышы. Ъ ва Ы белгилени къолланышы. Бувун. Ургъу. Созукъ авазланы гелишивю. Бир-бир тутукъланы айтылышыва язылышы. Фонетика чечив.

Лексика.

Лексиканы гъакъында англав. Сёзлени кёп маъналыгъы. Сёзлени тувра ва гёчюм маъналары. Аваздашлар. Маънадашлар. Къаршыдашлар. Бирикген сёзтагъымлар.

Сёз яратыв, сёз түрлендирив ва тюзъязыв.

Сёз яратывну ва сёз тюрлендиривни гъакъында англав. Сёз тюрлендиреген къошумчалар. Сёз этеген къошумчалар. Тамурланы ва тюплени тюз язылышы. Къошумчаланы тюзъязылышы. Эки къабат тутукълар гелеген сёзлени тюз язылышы. Сёзлени сатырдан сатыргъа гёчюрюв къайдалар.

**Морфология.**

Тил гесимлени бёлюклери. Атлыкъ. Хас ва жынс атлыкълар. Жумлада атлыкъланы къуллугъу. Атлыкъ чакъырывну къуллугъунда. Сыпатлыкъ. Сыпатлыкъны морфология ва синтаксис белгилери. Ишлик. Гёчюм ва къалым ишликлер. Ишликни заман къалиiplери

Такрарлав.

Синтаксис ва пунктуация. Фонетика, графика ва тюзъязыв. Лексика. Сёз яратыв ва тюзъязыв. Морфология ва тюзъязыв.

## **5 КЛАСДА «КЪУМУКЪ ТИЛ» ПРЕДМЕТНИ УЙРЕНИВДЕ ОХУВЧУЛАР ЕТИШМЕ ГЕРЕКЛИ ПЛАНЛАШДЫРЫЛГЪАН ГЪАСИЛЛЕРИ**

### **Энчили гъасиллер**

Шу талап, аян этип айтгъанда, охувчу, оъзбашына чалышып, билимин артдырывда, яшавда оъз ерин табывны, алгъан билимлерин охувда къоллавну ва билим алывгъа бакъдырылгъан чалышывун не даражада арагъа чыгъарып бажаргъанын англата.

Охувчудан оъзюндөн хас болагъан энчили гъасиллер шулардыр:

ватандаш-патриотлукъ тарбиялав:

- оъз Ватанына (Россиягъа ва Дагъыстангъа) охувчуланы къыйматлы къаравун болдурув, оланы ватандаш бирлигин тарбиялав;

- Ватанны сююв, абурлав, оъзюню миллетине амин болув, анадаш топурагъыбыз Къумукътюзге бакъгъан сююв гъислени тарбиялав ва патриот гъислерин гючлендирив;
- ана тил къумукъ халкъны тарихи ва маданияты булан тыгъыс байлавлу экенин англав, ону къумукъ халкъны милли маданиятын йимик къабул этив, ана тилге бакъгъан якъдагъы сюювюн, гъаваслыгъын артдырыв;
- курсну тюрлю-тюрлю бёлюклерин уйренегенде тил адамланы бирбири булангъы аралыкъларын болдурувда агъамиятлы къурал экенни англав;
- охувчуланы ана тилни уйренивге иштагълыгъын тувдурув, ана тил булан оъктем болма, ону тазалыгъын сакълама уйренив, оъзю оъзюню сёйлев байлыгъын артдырмагъа къаст этив;
- охувчуланы герек чакъы тил байлыгъын болдурув, оъзлени ойларын, гъислерин эркин күйде къумукъ тилде айтмакъ учун герек чакъы тил къуралларын къоллап бажарыв, биревню яда оъзюню сёйлевюне тийишли къыймат бермеге уйренив;
- тилни чалынывуну гёzelлигин, ону байлыгъын, тилни лексикасыны тюрлю-тюрлю янлары барлыгъын гёрсетмеге, ону сёз яратывдагъы имканлыкъларын, чеберлик янларын ва оъзге байлыкъларын гёрсетмеге бажарыв;
- жамиятны ва адамланы арасындагъы аслу байлавлукъланы гелишивюн англамакъ, ватандашлыкъ ва жамият арада болмагъа тюшеген ихтиярланы якълавдагъы англавларын оъсдюрмек, алдына мекенли мурат салып ва яшавда оъз ерин табып болагъанлыгъын гёрсетмек, кёп тюрлю маданиятлар бар дюньяда Россияны оъзтөречилигин билмек ва англамакъ;
- оъз халкъыны тарихин, тилин билип, Ватаныны алдында жаваплыкъны тарбиялав;

- къумукъ тилни халкъыбызыны тарихин, маданиятын уйренивде агъамиятлыгъын билдирив;
  - охувчуланы анадаш халкъыбызгъа ва оъзге халкълагъа бакъгъан сюювюн артдырыв;
  - дюньягъа тюз къаравларын яратыв; башгъа тили, дини бар халкълагъа, адамлагъа абурлу күйде янашыв ; — гъаллашыв бажарывлукъларын яратыв; гъар тюрлю ишлерде уллулар ва гиччилер булан байлавлукълар юротме уйретив
  - охувгъа жаваплы күйде янашып, оъз камиллешивге, оъзбашына билим алывгъа гъавасландырыв;
  - жамиятда юрюлеген яшав-туруш гъалланы бидирив; къувунлу гъалларда оъзюн тутуп ва башгъалагъа зиян болмайгъан гъалда иш гёрме уйретив;
  - экология культурасын яратыв;
  - уягълюню агъамиятлыгъын англатыв, агълюню вакиллерине рагьмулу янашып яшама уйретив;
  - охувчуланы эстетика гъакъылын оъсдюрюв;
  - загъматгъа тюз къаравну, жамият борчну кютме гъазирликни, намуслукъну, адамланы ишлерин ва хасиятларын тюз багъавлавну ёлларын сездирив;
- ругь ва эдеп-къылыкъ тарбиялав:*
- тарыкълы затны тюз алышп, оъзбашына пикир этип, охув масъалаланы оъзбашына чечме уйретив;
  - гъар адамгъа тюз ярашып, ону яшав сынавларына гёре оъзтёречелигин, яшавгъа оъзтёрече къаравун тюз англав;
  - гъалиги замангъы агъамиятлы масъалаланы ичинде баш алышп болмагъа уйретив;
  - ругь байлыкълардан пайдаланма уйретив;

- эдеп-инсап, къылышкъ-тарбия, адамгъа языкъсыныв, уллугъа абур, сый, гьюрмет этив хасиятланы тарбиялав;
- яшав гъалланы тюз англамагъа, оланы агъамиятын, себеплерин, бирбири булангъы аралыкъларын уйретив;
- касбу булан байлавлу ва башгъа тюрлю масъалаланы чечмеге уйретмек (гъаллашыв, маълумат излев, анализ этив, бирликде иш гёрюв);

**эстетика тарбиялав:**

- охувчуланы чебер эстетика оъсююне тийишли шартлар болдурув, оланы яратывчуулукъ бажарывлукъларын оъсдюров ;
- адамдагъы, айлана табиатдагъы аривлюкню, гёzelликни гёрге, ону сезме, гьис этме уйретив;
- текстни, асарны чебер охуйгъанда сакъланма герек къайдалар, оланы эстетика янын сезмеге уйретив;
- гъар чебер асарда аривлюкню, чеберликни аламатлары гьис этме уйретив;
- чебер асарлагъа, чебев сёйлевге эстетика якъдан багъа берме, оланы чебер аламатларын аян этме уйретив.
- бизин адатларыбызны, къумукъ халкъгъа хас болагъан къылышкъланы, хасиятланы асырап, аяп, оъзлени хас кюонде юрютмеге ва сакъламагъа уйретив;

**савлукъ сакълав тарбиялав:**

- савлукъгъа, къаркъарагъа пайдалы ва савлукъгъа къоркъучсуз гъаракатлагъа етишмекни тарбиялав;
- къаркъара савлугъун ва ругъ савлугъун аяп сакълама уйретив.

**загъмат тарбия:**

- яшлыкъ загъматда чыныгъагъанын англатып, яшавдан ва чебер асарлардан мисаллар гелтирип, охувчуланы гъар тюрлю загъмат мердешлеге, гелтирив
- охувчуланы иштагын тартагъан мердешли саниятлагъа къуршав.

*экология тарбия:*

- яшланы табиатны сакълав ва къорув ругъда тарбилав, табиатны къоруп сакълавну гъакъында да англатыв ишлер оytгерив;
- табиатны суратлайгъан текстлени гечегенде айлана табиатдагъы аривлюкню, гёзелликни гёрме, сезме, гъис этме уйретив;
- табиатны тазалыгъын болдурма, огъар зарал гелтиреген гъаракатлардан сакъланмагъа уйретив;

*илму-ахтарыв билимин къыйматлав:*

- дюньяны гёрюнюшюн суратлайгъан башлапгъы илму англавларын, шолай да тилни системасы булан байлавлу англавларын теренлешдирив;
- яшланы теренден ойлашдырагъан масъалалагъа тергевюн бакъдырып, оланы оъзбашына илму-ахтарыв ишлер юрютме бажарывчулугъун теренлешдиримек.

### **МЕТАПРЕДМЕТЛИК ГЬАСИЛЛЕРИ**

5 класда «Къумукъ тил» предметни уйренивде охувчулар етишме герекли метапредметлик гъасиллери шулардыр:

Унивесал охув гъаракатлары.

Аслу логика гъаракатлары:

- тил оълчевлени (авазны, сёзню, жумланы ва текстни) олар күрчюленген белгилеге гёре (грамматика, лексика ва шолай башгъа белгилеге гёре) бирбири булан тенглешдирмек; оланы ортакъ яда бир бириндөн айырагъан белгилерин токъташдырмакъ;
- ; — тил оълчевлени рас гелеген белгилерин токъташдырмакъ;

- тил оылчевлени аслу белгилерин токъташдырмакъ (авазланы, тил гесимлени, жумлаланы, текстлени); оланы бёлюклеге гёре айырмакъ;
- охувчуланы оъзбашына герекли маълуматланы тапмагъа уйретmek;
- мүаллимни алгоритмасына гёре тилибизге хас болагъан ва хас болмайгъан белгилеге охувчуланы тергевюн тартмакъ;
- оъзбашына тил оылчевлени уьстюнде ишлемек;
- охув масъаланы чечегенде маълуматлар азлыкъ этегенни гъис этип, янгы къошум маълуматлар гелтирип билмек;
- тил материалны уьстюнде ишлейгенде белгили бир гъалны тувдурагъан шартланы гелишин, себебин англатып, натижачыгъармакъ.

*Аслу илму-ахтарыв гъаракатлар:*

- тил масъалаларын чечегенде соравланы илму-ахтарыв къуралы гъисапда къоллап бажармакъ; — мүаллимни кёмеклиги булан илму-ахтарыв ишни мурадын билмек;
- тапшурувну этилежек вариантларын тенглешдирип, олардан лап да къыйышагъан вариантын англатып бажармакъ (алданокъ берилген белгилеге гёре);
- алданокъ берилген плангъа гёре гиччирек илму-ахтарыв иш оytгермек; берилген плангъа гёре проект тапшурувну кютмек;
- натижалар чыгъармакъ, оъзю оytгерген ахтарыв ишлеге гёре далиллэр гелтирип толумлашдырмакъ (бёлюклеге бёлюп, тенглешдирип);
- уллулагъа сорап, оланы да къуршап, проект иш оytгермек;

*Информацияны уьстюнде ишлев:*

- охув масъаласын чечегенде информацияны беривде тюрлю-тюрлю методланы, къуралланы къоллап бажармакъ
- тарыкълы информациины айырып, анализ этип, англатып, огъар гёре гъасиллер чыгъарып, таблицалар, схемалар къоллап бажармакъ;
- герек-тарыкъ кюрчю материалланы (источниклени) табып бажармакъ, масала, талап этилген информациягъа гёре сёзлюклени къоллап бажармакъ;
- сёзлюклени, охув китапланы къоллап тюз ва тюз тюгюл информациины айырып билмек;
- муаллимни, уллуланы, ата-ананны кёмеклиги булан сёзлени язылышы, айтылышы, этилиши, оланы маъналары гъакъында къоркъунчсуз чарапланы гёрюп, информация тапмагъа уйренмек;
- салынгъан охув масъалагъа гёре языв ва авуз текстлер гелтирип бажармакъ, оъзю тил масалаларына багышлангъан шолай таблицалар ва схемалар этип бажармакъ;
- информацияны низамлашдырыгъанда, бир материалдан алынгъан гесекде салынгъан муратгъа гёре маъналы охувну къоллап бажармакъ;
- бир ойну гери урмакъ учун оъзюню далиллерин гелтирип бажармакъ;
- информацияны эсинде сакълап, ону низамлашдырып бажармакъ

5 класда охув йылны ахырына шулай гъакълашыв универсал охув гъаракатланы болдурма герек:

гъакълашыв гъаракатлар:

- тил булан байлавсуз гъакълашыв къуралланы, оланы маъналарын англамакъ;

- оъзюню ойларын ва гъислерин языв тилде яда авуздан салынгъан муратгъа ва белгили бир агъвалатгъа гёре тюз къуруп ва англатып болмакъ;
- сёйлевде йымышакъ, таъли тил булан сёйлеп, оъзгелер булан аралыкъ тутуп бажармакъ;
- сёйлевчуге гьюрметли күйде янашып, диалогда ва эришивлю масъаланы арагъа салып ойлашагъанда оъзюню тюз ёлда тутуп бажармакъ;
- ойлар, пикрулар, къаравлар рас гелмей, бир нече тюрлю болма ярайгъанны англамакъ;
- пикруларын, ойларын башгъалар булангъы аралыкъда сёйлевню къыллыкъ къайдаларындан тайышмай айтмакъ;
- авуз ва языв тиллерде ситуациягъа гёре текстлер тизип билмек (суратлав, ойлашыв ва хабарлав);
- оъзю яда биревлер булан бирче этген илму-ахтарыв ишни натижасын чыгъарып гиччирек докладлар этип бажармакъ;
- этеген докладына гёре суратлар, слайдлар этип, оланы къоллап бажармакъ
- . — жумлаланы оъзюню сёйлевюнде ситуациягъа гёре тюз къоллап бажармакъ;
- оъзгелени сёйлевюне янашып тынглап ва сёйлеп бажармакъ, сёйленеген затны англамакъ, сёйлевде къолланагъан янгы сёзлени эсде сакъламакъ ва сёйлев чеберликни гъис этмек;
- текстни чебер охуп, текстге соравлар салып ва ону авуздан хабарлап билмек;
- оъзюню ойларын оъзге адамланы ойлары булан тенглешдирип, оланы башгъалыкъларын англамакъ;
- гъакълашывда монологну, диалогну герекли ерде тюз къоллап бажармакъ.

Охув йылны ахырына 5 класда болдурулагъан низамлашдырылгъан универсал охув гаракатлары:

Оъзю оъзюн низамлав (самоорганизация):

- натижа чыгъармакъ учун оъзю оъзюнү ишин салынгъан масъалагъа гёре планлашдырып бажармакъ; — этме герек ишлени низамлы, системалы күйде оътгермек. Оъзю-оъзюн тергев:
- тюзевлю, онглу ва тюзевсюз, онгсуз этилген охув ишлени себебин токъташдырып, исбат этип бажармакъ;
- сёйлевде ва язывда къутгъарылгъан янгылышланы эбинден гелмек учун оъзюнү охув гаракатларын тюзелтип бажармакъ;
- оъзюнү охув гаракатларын охув масъалалар булан (тил оълчевлени къолланышы, оланы хасиятлары булан) гелишдирип бажармакъ;
- тил материалын къоллайгъанда къутгъарылгъан орфография ва пунктуация янгылышланы табып бажармакъ;
- оъзюнү охув гаракатларын оъзюнү классында охуйгъан яшланы гаракатлары булан тенглешдирип, оланы берилген белгилеге, оълчевлеге гёре тюз къыйматлап бажармакъ;

Бирче гаракат гёрюв:

- охув масъалаланы чечивде салынгъан аз заманны ичинде яда узакъ заманны ичинде этилме герек ишлени чечмек учун гаракат этмек;
- бирче юрюлежек ишлени мурадын англап, ортакъ ишни планлашдырып, сёйлешип, арагъа салып ойлашып салынгъан муратгъа етишмек учун къаст этмек;
- башчылыкъ этме, тапшурувланы күтме, ирия болма, давлашыв, тюртюшов масъалаланы чечмеге гъазир болмакъ;
- оъзюне тапшуруулгъан жаваплы ишни күтме гъазир турмакъ;

- ортакъ ишге оызю этген къошумну къыйматлап билмек;
- берилген уылгуге гёре ортакъ проектлени оытгерме гъазир болмакъ.

Гъис интеллект:

- оызюню ва оызгелени гъис интеллеклерин тутуп бажармакъ;
- гъис булан байлавлу интеллектлени ачыкъ этип, оланы себебин англашып бажармакъ; оызюню гъислерин низамлашдырып бажармакъ;

Принятие себя и других:

- оызге адамланы ойларын тюз англап, оланы къабул этип бажармакъ, оызю де, оызгелер де янгылышма мүмкин экенни билмек;
- оызгелени де, оызюн де айыпламай, терс гёрмей, ачыкъ күйде къабул этмек;
- айланадагы бары да затгыа контроллукъ юрютме бажарылмайгъанны англамакъ. Предметлени бири-бири булангъы байлавлугъун гёрсетеген натижалар да (метапредметный) охув гъаракатында гёрмекли ер тута. Предметлени бирибири булангъы байлавлугъун гёрсетеген гъасиллеге гире:
- ана тилни оызге предметлер булангъы байлавлугъун гёрсетеген англавлар, тюрлю источниклени, шоланы арасында Интернет ресурсланы да къоллап, охувчуланы билимлерин артдырыв, оланы дюнья къаравларын генглешдирив ва халкъарада шо къаравланы тюз къоллама уйретив;
- охув булан байлавлу бир план къуруп, шо планны натижаларын муаллимлер булан яда тенглилери булан бирче яшавгъа чыгъарывда оыздёрече ёлланы белгилев;
- охугъан текстни проблемасын тюз англав, ёравну (гипотезаны) арагъа чыгъарыв, материалны къурашдырыв, оызюню къаравларын

гертилемек учун далиллар гелтирив, айтылагъан пикруланы себеп аралықъларын авуздан ва язып англатып билив ва гъасиллер чыгъарыв;

- оъзбашына оъз ишин гёзалгъа тутуп, оъзюню муштарлыкъ гъавасларын белгилеп бажарыв;
- тюрлю-тюрлю маълуматлар береген источниклени табып, оланы ахтарып, оъзбашына къоллап бажарыв;
- сёйлев гъаракатны тюрлюлерин къоллап билмек.

*Къулакъасыв ва охув булан байлавлу талаплар:*

- а) авуз ва языв тилде берилген текстлени темасын, аслу ва экинчи даражалы маъналарын тюз англав;
- б) охувну гъар тюрлю къайдалары булан (таныш болув, уйренив, гёзден гечирив) пайдаланыв;
- в) тюрлю-тюрлю стиллерде ва жанрларда язылгъан текстлени авуз лакъырда къоллав, къулакъасывну тюрлю къайдалары булан (айырыв, таныш болув, мекенли) пайдаланыв;
- г) текстден тарыкълы болагъан информацияны айырып бажарыв мердешлеге ес болув;
- д) тюрлю справочниклерден, газетлерден, журналлардан, охув компактдисклерден, Интернетден тарыкълы болагъан информацияны табып, ону къоллама уйренив;
- е) тюрлю-тюрлю сёзлюклер булан, электронный къураллар булан пайдаланып билив;
- ж) оъзбашына тил булан байлавлу материал жыйма, ону бир ёрукъъга (системагъя) гелтирме уйренив, бир къалиппеги сёзлени башгъа къалиплерде къоллама уйренив;

з) сёйлев тилде ёлугъагъан айтымланы маъна якъдан тенглешдирип, оланы стилистика башгъалықъларын гёрсетип бажарыв.

*Айтыв ва языв булан байлавлу талаплар:*

- а) гележекде охув гъаракатда салынгъан мурадын англав (хас ва коллектив), етишген муратлагъа къыймат берип, оланы авуз ва языв тилде англатыв;
- б) охулгъан текстни тюрлю-тюрлю къайдаларда айтып бажарыв (план тизив, хабарлав, конспект этив, аннотация языв);
- в) охув ва языв текстлени тюрлю-тюрлю стиллерде къолламагъа уйренив;
- г) текстни къурулуш белгилерин сакълап (логика ва маъна якъдан къурулушун, жумлаланы бир-бири булангъы байлавун, темагъа къыйышывун), оъзюню ойларын, гъислерин авуз ва языв формаларда толу күйде англатып бажарыв; эшитгенине, гёргенине, дюньяда ёлугъагъан агъвалатлагъа оъз къаравун айтып ва оъзюню ойларын якълап бажарыв;
- д) монологну ва диалогну тюрлюлерин герекли ерде тюз къоллап бажарыв;
- е) сёйлевде къумукъ адабият тилни орфоэпия, лексика, грамматика, стилистика нормаларын сакълап билмек, язывда орфография ва пунктуация нормаланы къоллап билмек;
- ж) сёйлев къатнашывда, сёйлевню этика нормаларын къоллап, оъзюню пагъмусун болдурув, ишараланы, юм-чум этивлени болгъан чакъы аз къоллап сёйлемеге уйренив;
- з) охув тармакъда ва гъар гюнлюк практикада оъзюню сёйлев нормаларына тергев берив; сёйлевюне, ону ичделигине, тил якъдан тизилишине къыймат берип билив, янгылышланы гёрсетип, оъзю язгъан текстлени редактировать этив;

- и) оъзюню тенглилерини алдында доклад, реферат булан чыгъып сёйлеме уйренив; эришивлерде, тарыкълы масъалаланы арагъа салып ойлашып сёйлевлерде ортакъчылыкъ этив; к) уйренген билимлерин гъар гюнлюк яшавда къоллап билмек; ана тилни оъзге предметлени уйренегенде къоллап билмек (масала, рус тил, тыш пачалыкъланы тиллерин уйренегенде);
- л) бир ишни бирче этегенде, эришивлерде, тарыкълы темаланы арагъа салып ойлашагъанда адамлар булан гъакълашып билмек, къумукъ тилге хас болагъан милли-маданият нормаларын яхши билмек.

### **ПРЕДМЕТЛИК ГЪАСИЛЛЕР**

Охув йылны ахырына бешинчи класда охуйгъан охувчу уйренежек:

- ана тилни халкъны яшавунда, жамият яшавда күтеген къуллугъун, ону байлыгъын ва чеберлигин англамакъ;
- ана тил халкъны ругъ байлыгъы экенине тюшюнмек; тил илмуну гъакъында, ону уьстюнде ишлеген ва ишлейген алимлени гъакъында англавун артдырмакъ;
- тюз язывда ва токътав белгилени къоллавда къолланагъан къайдаланы билмек;
- тюзязыв ва токътав белгилер булан байлавлу масъалаланы чечегенде орфография сёзлюкню ва оъзге справочниклени къоллап бажармакъ;
- сёзню тизими, оъзбашына къолланагъан толу маъналы ва кёмекчи тил гесимлени гъакъында англавун мекенлешдирмек;
- жумладагъы сёз тагъымланы айырып, оланы аслу сёзюн ва таби болагъан сёзюн гёрсетип, олар къайсы тил гесимлерден тизилгенни англатып бажармакъ;
- жумланы аслу белгилерин англап ва ону грамматика тюбюн гёрсетип бажармакъ;

- жумлаланы сёйлевде не маңнада къолланагъанына къарап, оланы түрлюлерин билмек.
- текстдеги хабар, сорав, чакъырыв жумлаланы тюз интонация булан охуп бажармакъ, токътав белгилени тюз къолламакъ;
- жумланы баш уьюрлерини ва экинчи даражалы уьюрлерини аслу белгилерин, оланы түрлюлерин, олар аслу гъалда къайсы тил гесимден этилегенин билмек;
- жумланы синтаксис якъдан чечип бажармакъ;
- генглешмеген жумланы генглешген жумладан айрып, ону генглешдирип бажармакъ;
- жумланы бир жынслы уьюрлерин гёрсетип, оланы арасында салынагъан токътав белгилени англатып болмакъ;
- бир жынслы уьюрлери булангъы жумлаларда къуршайгъан сёзню къолланышын англай, къуршайгъан сёзню ва бир жынслы уьюрлени арасында салынагъан токътав белгилени биле;
- къошма жумланы къурулушун, ону ичиндеги простой жумлалар бирбирине нечик байланагъанны англай;
- къошма жумлада къолланагъан байлавучланы, салынагъан токътав белгилени биле;
- тура сёз авторну сёзлери булан къолланғанда салынагъан токътав белгилени англатып бола; — диалог деп негер айтылагъанны англай, ону янында токътав белгилени къолланышын биле.
- фонетика булан байлавлу аслу англавланы биле, аваз сёзню маңнасын алышдырагъан къуллукъын күтегенин англай (бар - бир - бур - бюр - бер).
- созыкъланы тутукъ авазлардан, янгыравланы сангыравлардан, оланы жутларын, къатты ва инче тутукъланы бир-бириндөн айрып биле;

- сёзлени фонетика якъдан чече; оланы язылагъан ва айтылагъан кююн авуздан ва транскрипциясын язып, англатып бола;
- Е, Ё, Я гъарпланы ва Ъ, Ь белгилени къолланышын яхши биле;
- сёзлени бувунлагъа гёре бёлюп бола, оланы сатырдан сатыргъа гёчюрме биле;
- ургъуну гъакъында англаву бар, ону къолланышын биле;
- тюзъязыв сёзлюқден пайдаланып бола;
- сёзню тилни башгъа оылчевлеринден айырып биле.
- сёзню лексика ва грамматика маъналарын, ону лексика маънасын түрлю-түрлю къайдаларда англатып бола;
- бир маъналы сёзлени кёп маъналы сёзлерден айырып бола, кёп маъналы сёзлени тувра ва гёчюм маъналарын гёрсетип бола;
- аваздашлар, маънадашлар, къаршыдашлар нечик сёзлер экенни биле;
- тувра ва гёчюм маънасы булангъы сёзлеге, маънадашланы тагъымларына, къаршыдашланы ва аваздашланы жутларына мисаллар гелтирип бола.
- бирикген сёзтагъымланы оланы белгилерине гёре айырып биле;
- бирикген сёзтагъымланы эркин сёзтагъымларда айырып биле;
- түрлю-түрлю сёзлюклени (орфография, русча-къумукъча, къумукъчарусча, маънадаш, фразеология, айтывлар ва аталар сёзleri) къоллама уйрене, оларда ёлугъагъан маъмулатлар булан пайдалана;
- оъзюню сёз байлыгъын артдыра;
- тамурланы, тюплени ва къошумчаланы тюз язылышын биле; ТАТУВ, ТАТЫВ; АЧЫВ, АЧУВ йимик сёзлени тюз язылышына уйрене;

- эки къабар тутукълар гелеген сёзлени язылышын биле;
- сёзлени сатырдан сатыргъа гёчюреген къайдаларын англай ва язывда къоллама бола;
- оъзбашына къолланагъан толу маъналы тил гесимлерин къуллукъчу тил гесимлерден айырып бола;
- атлыкъны маънасын ва аслу грамматика белгилерин англай; хас ва жынс атлыкъланы теклик ва кёплюк санавда санавда къоллап бола; атлыкъланы оъзге тил гесимлер булан гелишегенине тергев бере; атлыкъланы жумлада күтеген къуллугъун мисаллар гелтирип аянлай; авуз тилде атлыкъланы тийишли къалиiplерде, лексика ва орфоэпия нормаларда къоллай; атлыкъны морфология якъдан чече; сёйлев тилде бир йимик сёзлер такрарланмасын учун учун атлыкъ маънадашлардан пайдаланып бола.
- ишликлени маъналарын, оланы аслу грамматика белгилерин биле; ишликлени барлыкъ ва ёкълукъ, гёчюм ва къалым къалиiplерде къолланышын биле; -ма (-ме) ёкълукъ къошумчаны башгъа къошумчалардан айырып бола; ишликлени гъалиги, гележек. гетген заманларда къолланагъан къалиiplерин биле, оланы авуз тилде къоллап мисаллар гелтирип бола; ишликлени заман къалиiplерин байлавлу текстде къоллап, оланы гёчюм маъналарын англатып бола; ишликлени текстде тюрлю-тюрлю къалиiplерде къолланышын гёрсетип бола.

## КЛАСЛАГЪА ГЁРЕ ПРЕДМЕТНИ ТЕМАТИКА ПЛАНЛАШДЫРЫВ

Тематика планлашдырылыв йыллагъа гёре берилген, онда темалагъа гёре сагъатлар гёрсетилген.  
Сагъатланы ва темаланы гезигин муаллим оъзюню къаравуна гёре алышдыры

№	Тема уроков <b>Дарсны темасы</b>	Часы сагъат	Дата	
			По плану	По факту
1.	Состав слова. Сложные слова. Сёзню гесеклери ва къошма сёзлер	1	4.09	
2.	Знамен. ч.р. Служ.ч.р. Существительное. Оъзбашына къолланагъан толу маъналары ва кёмекчи тил гесеклер. Атлыкъ	1	11.09	
3.	Прилагательное. Числительное. Местоимение . Глагол. Сыпатлыкъ. Санавлукъ. Орунча. Ишлик.	1	18.09	
4.	Наречие. Гъаллыкъ.	1	25.09	
5.	Союзы и послеслоги. Байлавучлар ва послеслоглар.	1	02.10	
6.	Наречие. Союзы и послеслоги. Гъаллыкъ. Байлавучлар ва послеслоглар. Беклешдирив.	1	9.10	
7.	Диктант	1	16.10	
8.	Работа над ошибками Обстоятельство. Гъаллыкъ. Жумла.	1	23.10	
9.	Словосочетание. Предложение. Повест.,воск.,вопр. пред.. Сёз тагъымлар. Хабар,сорав,чакъырыв ,буйрукъ жумлалар	1	30.10	
10.	Жумланы баш уьюрлери.Генглешген ва генглешмеген жумлалар	1	13.11	
11.	Жумланы экинчи даражалы уьюрлери. Толумлукъ. Белгилевюч. Гъал.	1	20.11	
12.	Бир жынслы уьюрлери булангъы жумлалар Къуршагъан сёзлери булангыбир жанслы жумлалар	1	27.11	
13.	Сложные пред. Слож.пред. с союзами. Къошма жумлаланы гъакъында англав. Чакъырыв сёзлери булангы жумлалар.	1	4.12	
14.	Тувра сёз. Диалог. Сёйлейгенде авазланы туvuлуvу. Созукъ ва тутукъ авазлар	1	11.12	
15.	Диктант	1	18.12	
16.	Хаталаны уьстюнен иш. Мягкие и твердые согласные.	1	25.12	

	Къатты ва йымышакъ тутукълар. Алфавит			
17.	Обозначение звуков при письме. Графика . Авазланы язывда гёрсетив. Графика.	1	15.01	
18.	Употребление букв Е,Ё,Ю,Я. Употребление букв Ъ и Ъ Ү,Ё,Ю,Я гъарпланы къолланышы. Ъ и Ъ бельгилени къолланышы	1	22.01	
19.	.Бувун. Ургъу. Созукъ авазланы гелишивю	1	29.01	
20.	.Правописание и произношение некот. Согласных. Фонетический разбор слов Бир-бир тутукъланы айтылышы ва язылышы. Фонетика чечив	1	05.02	
21.	Понятие о лексике. .Многознач.сл Лексиканы гъакъында англав Сёзлени кёп маъналыгъы.	1	12.02	
22.	Прямое и переносн.значение слов. Сёзлени тувра ва гёчюров маъналары.	1	19.02	
23.	Омонимы. Синонимы. Антонимы Аваздашлар. Маънадашлар. Къаршыдашлар	1	26.02	
24.	Сёз тюрлendirеген къошумчалар. Сёз этеген къошумчалар.	1	5.03	
25.	Диктант	1	12.03	
26.	Хаталаны устьюнен иш. Тамурланы ва тюплени тюз язылышы. Къошумчаланы тюзьялынышы	1	19.03	
27.	Эки къабат тутукълар гелегн сёзлени тюз язылышы.	1	2.04	
28.	Сёзлени сатардан сатыргъа гёчюров къайдалар.	1	9.04	
29.	Тил гесимлени бёлюклери.Атлакъ.Хас ва жынс атлыкълар	1	16.04	
30.	Жумлада атлыкъны къуллугъу. Атлыкъ чакъырыйнукъуллугъунда	1	23.04	
31.	Сыпатлыкъ. Сыпатлыкъны морфология ва синтаксис белгилери	1	30.04	
32.	Ишлик. Гёчюм ва къалым ишликлер. Ишликни заман къалиплери.	1	7.05	
33.	Диктант	1	14.05	
34.	Хаталаны устьюнен иш. Йылны узагъына гечген темаланы такрарлав.	1	21.05	
35.	Обощение	1	28.05	

**Рекомендуемая литература:**

1. Абдуллатипов А.Ю. Формирование исторических фор реализма в кумыкской литературе. Мах-ла издат. ДГУ 1981 г.
2. Аджиев А.М., Къумукъ халкъ авуз яратывчулугъун школада уйренив. Махачкала Даг.учпедгиз, 1980 г.
3. Алибеков М., Адаты кумыков.
4. Алиев М.С. Зарождение и развитие кумыкской литературы (учебное пособие). Махачкала Дагиздат 1979 г.
5. Алиев М.С., Акаев М.Д. Революциядан алдагъы къумукъ адабият. Махачкала ДГУ 1980 г.
6. Бамматов Б.Гь. «Орфографический словарь кумыкского языка», изд. Махачкала, 2005 г.
7. Гаджаматов Н.З., Сайтов А.М., Сборник диктантов (для 5-11 классов)
8. Жачаев А. I, II, III тома изд. Махачкала, 2001, 2003, 2004 г.г.
9. Журнал «Къарчыгъа», под ред. Алишева Ш.
10. Журнал «Тангчолпан», под ред. Алиев К.
11. «Изложение с комплексным анализом текста» по Безымянной О.
12. Концепция модернизации Российского образования на период до 2010 г.
13. Лебеденко А.А. «Философия сердца в концепции Гуманной Педагогики».  
Издательский Дом Амонашвили Ш., 2005.
14. Лопатина М., Скребцова М. «Ступени мудрости: 50 уроков о добрых качествах для знаний с детьми младшего и среднего возраста»,  
Лопатина М., Скребцова М. – М: Амрита – Русь, 2005 г. – 384 стр.:  
(серия «Образование и творчество»).

- 15. Мучник Б.Р. Культура письменной речи: формирование стилистического мышления – М. 1994 г.**
  - 16. Оълмесов Н.Х., Методика кумыкского языка.**
  - 17. Оълмесов Н.Х., Гаджамато Н.З., Внеклассное чтение.**
  - 18. Пословицы и поговорки. Сост. Абдурахманов А.К.**
  - 19. Саидов А.М., Проблемы и перспективы развития кумыкско-русского двуязычия. (Типология и функционирования).**
  - 20. Фольклер «Къумукъ халкъ ёмакълары», изд. Махачкала, 1989 г.**
- Составители: Магомедович А.С., Магомедович А.А.**
- 21. Фольклор кумыкского языка. Сост. Гаджиев А.М.**
  - 22. Шихамедовна С.Гь. «Кумыки». изд. Махачкала, 1961 г.**
  - 23. Школьные учебники для 5-11 классов. Изд. Махачкала, НИИ педагогики.**